

01 掃便所的心適代

劉思瑤

「來，咱等一下欲換搵掃工課，這改予恁家已抽。」
Uah！閣欲換工課矣，這是予人期待閣驚受傷害的心情，因為阮這班搵掃的區域，包含一間全校上恐怖的便所，咧用這間便所的，齊是低年級的猴因仔。

人講申驚申著，你愈無想欲拄著的，就愈會來揣你。
買彩票嘛無遮好運，兩張掃便所的單仔，就予我抽著一張，天公伯仔，你哪會對我遮爾好啦！阮老師講，若有才調共便所掃甲予你家已都會想欲去遐故放，按呢就成功矣。阮學校的便所佇我讀二年仔的時陣有翻過，新的便所會使講是海線地區的國校上婿、上先進的。毋過經過這兩年，予逐家跔甲已經失去伊原本的模样囉！

頭一擺去搵掃的時陣，我險仔共早起食的早頓吐吐出來。尿斗卡一沿尿滓黃黃厚厚，臭尿菸味對樓梯行落來就鼻會著；兩間便所的壁頂、塗跤、馬桶攏有滷著黃金，垃圾的衛生紙嘛抨甲規四界，園衛生紙的所在閣擲一領穿過的內褲，誠癩瘡，今這是發生啥物代誌？是遐的猴因仔放尿相袂準？抑是共放尿當做咧沃花捐咧烏白漩？黃金的來源是上課毋敢共老師講屎咧滾，等到屎攏尻川矣才咧揣便所，所致走袂赴就沿路落？袂記得紮衛生紙只好用內褲拭？絀

落來垃圾的內褲規氣褪掉無愛穿？抑無，一間「五星級」的便所，哪會舞甲這號形。

我從轉去教室共老師講這個狀況，老師來看，隨提一罐洗碗精、一罐酒精恰兩副手囊予我，叫阮兩個共搵子清氣，我閣加掛兩個喙罌，準備欲來恰伊掉拚。頭起先，阮兩個攏無想欲去處理遐的垃圾仔，毋過遮的物件無清掉，賭的工課嘛袂做得，阮只好用喝拳彼步，贏的人愛處理。

天公伯仔閣恰我滾要笑，又閣是我啦！真正是欲哭無目屎。
我這個愛清氣相的看袂做得，就早暗拚命鏹，經過兩禮拜，總算共尿滓和黃金攏鏹掉矣，阮共彼間全校上癩瘡的便所，洗甲金爍爍閣清氣溜溜。

這馬我攏會專工對樓頂走落來用這間我家已搵的便所囉！

02 無全款的作業

楊馥綺

有一工自然課下課了後，有一个查埔因仔來搵我開講，伊講：「老師，我足希望這改歇寒，會當加一寡好耍的作業，莫攏是愛寫字的功課。」我咧想，這馬的因仔實在真無閒，若是會當利用假期共作業做一寡變化，嘛是袂穩。我想著後學期學校有欲辦一个科學週的活動，按呢會當予學生先激頭腦，所以我笑笑共應講：「好喔，咱家已來做返返物件，你感覺啥款？」我今仔講煞，邊仔閣一个查某因仔聽著，目睭展甲足大蕊，頭一直頓，搶咧講：「讚！讚！讚！」兩個因仔閣做伙喝：「老師，愛你喔！」因為按呢，我才開始咧想講欲按怎出這個無全款的作業咧。

「欲做啥物好耍的返返物件咧？」想著矣，「就用樹奶恰家已設計的車身，配合上課所學著的科學原理，做一台會走的车。」

開學了後，逐家幫家已上滿意的車來比賽，有罐仔做的、杯仔做的，嘛有桶仔做的。有人講，發見樹奶愈粗愈經愈勢走；嘛有人講，那耍那改良，定定要甲袂記得食飯；閣有人講，個阿爸恰阿公陪伊做研究，三个人那做那討論，有夠趣味，感覺足幸福。感謝家長恰學生的支持，逐家拍拚學習的態度予我誠感動。

比賽的結果是一个查某因仔著冠軍，伊用光碟恰塑膠杯仔組彼台車，走甲穩閣緊，會使對活動中心這引走甲彼引去，欲倚三十公尺遠，同學攏替伊歡喜，閣一直共拍嘆仔。

佇嘆仔聲中，我發現予因仔家已做返返物件，對個來講是一種趣味的挑戰，個會主動想欲學習。而且過程中毋但愛動腦筋設計、攢材料製作，閣愛想辦法解決問題。經過遮的訓練，確實會當啟發因仔科學研究的動機、訓練耐心、增加智識，等作品完成，閣會當享受成就感恰培養感恩的心，予個對未來參與科學研究充滿信心。活動中嘛看著因仔互相欣賞、互相鼓勵的態度，無全款的作業，確實是無全款喔！

03 好料的排桌頂

鐘育紋

平常時仔，阿母和阿爸真要意阮的食食，個講欲有康健的身體，逐日囵入喺裡的食物就愛真注意，傷甜的、過頭鹹的、濫真濟添加物的、加工過的，攞會予個拍出籠外。所致阮兜的飯桌頂蓋少出現外口的物件，連阮因仔人拜一到拜五踎學校食晝，阿母嘛會攢便當予阮紮去炊，有閩縫閣家已做饅頭、包水餃、縛肉粽……，伊講按呢食著較安心。

阿姊安親班的老師共阮講，頂學期尾學生仔表演甲足精彩的，老師恁個去便利商店揀一項仔恰意的，逐个人都歡喜甲袂顧得，糖仔餅仔、枝仔冰、涼的、甜路的攞有人提，想袂到阮阿姊行來覓去相規半晷，落尾煞提一盒白泔無味的 sa-lia 去排隊。老師看一下愣去，伊講伊教冊教遮濟冬，無看過因仔生做這號款的啦！

毋過阮逐冬攞有幾日仔會和健康的食食相閃身一下，歇熱阮會轉去外媽遐躡一兩禮拜，阿姨爹阿公、阿媽做伙躡，伊和阮阿母雖然是仝腹生的，閣是做伙大漢的，毋過阿姨食食的口味加真重，閣特別勢食晝。頂改阮爹伊去食麵，看著伊叫的彼碗特別簽的麵，湯頭是油燙燙閣紅絳絳，我干焦看嚨喉就經 tòng-tòng，阿姨煞那食那喝讚，食甲面

仔強欲著火，伊猶是笑頭笑面規碗食了了。

便若歇熱轉去阿媽個兜，阮這陣因仔又閣有食福囉！因為阿姨攞笑講伊爹阮阿母平骨力，不過過骨力的所在無仝。伊是骨力買好食物、綿爛試新口味，嘛足興去排隊的！便若阮轉去，早頓若毋是久無食就會癮的飯丸、碗粿，就是眾人呵咾少人嫌的九重粿、米糕、煎包……，逐工都換新換新。阮是看甲日明獎金，喺爛酒酒津津。中晝阿媽會款鹹糜、粿仔、大麵鹼，逐項嘛好食甲會觸舌。到甲暗時，阿姨閣不時共桌頂排甲滿滿滿，某也出名的鹹酥雞、滷味、蚵仔煎，食飯飽閣有仙草、檸檬菓菓、牛奶茶、梅仔茶遮的好食物，橫直無共阮飼甲圓棍棍，阿姨是無拍算欲予阮轉去的啦！啊！阮這幾個又閣拗指頭仔咧算矣，今年歇熱是當時欲轉來去阿媽個兜返返？